

SANCTISSIMI DOMINI NOSTRI
PII PAPAE SEXTI
L I T T E R A E,
QUIBUS CONCEDUNTUR
F A C U L T A T E S
ARCHIEPISCOPIS ET EPISCOPIS,
AC DIOECESIIUM ADMINISTRATORIBUS
REGNI GALLIARUM



ROMAE MDCCXCII.

TYPIS REV. CAMERAE APOSTOLICAE

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

(1)

*Dilectis Filiis Nostris S. R. E. Cardinalibus,
et Venerabilibus Fratribus Archiepiscopis et Episcopis,
ac Dilectis Filiis Diocesium Administratoribus*

REGNI GALLIARUM.

PIUS P. P. VI.

*Dilecti Filii Nostri, Venerabiles Fratres, ac Dilecti Filii,
Salutem et Apostolicam Benedictionem.*

IN gravissimis, et multiplicibus curis, quas pro commissa Nobis a Supremo Pastorum Principe JESU CHRISTO omnium Ecclesiarum sollicitudine assidue sustinemus periculosis hisce temporibus, quibus multi nimis ex eorum numero esse videntur, quos praenunciavit Apostolus, *qui sanam doctrinam non sistent, et ad sua desideria concupiscentes sibi Magistros, a veritate auditum avertunt*, non aliud profecto majus neque jucundius experimur solatium, quam cum Venerabiles Fratres Episcopos, qui in ejusdem sollicitudinis Nostrae partem vocati sunt, ad exequendum Officii sui debitum alacri strenuoque animo incumbere novimus, ac diligentissime curare, ut Gregis ipsis crediti saluti opportuniori, qua fieri potest, ratione consulant. Ejusmodi verò solatio nuper praeter modum affecti sumus, cum litteras perlegimus omni officio refectas, quas *die 16. Decembris* Anni superioris plures Fraternitatum Vestrarum *Parisiis* degentes, et quas *die 8. Januarii* currentis Anni ii earundem Fraternitatum Vestrarum, qui *Romae* commorantur, ad Nos conscripserunt: Ex iis enim cognovimus, postulari a Nobis, ut singulos ejus Galliarum Regni Antistites, ac Diocesium Administratores tempore, quo Episcopales Sedes vacant, Generali Indulto amplioribus nonnullis instrumens FACULTATIBUS; quò facilius quisque possit Gregem sibi creditum pascere, et gubernare.

Haud difficile fuit Nobis agnoscere, quam aequa esset hujusmodi petitio, hoc nimirum temporum acerbitati conveniens, quam digna Sacris Praesulibus, qui sui muneris partes et probe agnoscunt, et pro viribus implere contendunt, quique in praefatarum litterarum fine testimonium reddunt obsequii, quod Gallicanae Ecclesiae profidentur erga Sedis Apostolicae auctoritatem per eas declarationes, quarum duas hic describimus.

Prima declaratio est, nullam ex Facultatibus per Sedem Apostolicam concedendis a se, vel a Subdelegatis exercendam esse absque praevia de-


claratione in ipso actus tenore inserenda, nimirum = se virtute potestatis ab Apostolica Sede delegatae procedere, notata ipsa concessionis die =.

Altera vero, Se strictè observaturos decreta, et ordinationes Summorum Pontificum, Conciliorum, consuetudines Ecclesiae Romanae erga Gallicanam Ecclesiam in concedendis Dispensationibus, Censuris tollendis, et in aliis quibuscumque Actibus Indultorum virtute factis.

Itaque de consilio selectae Ven. Fratrum Nostrorum S. R. E. Cardinalium Congregationis coram Nobis habitae die 19. *Januarii* proximè praeteriti, Fraternitatibus Vestris, Vobisque, Dilecti Filii Dioecesium Administratores, concedimus per praesentes litteras FACULTATES *pro tempore et modo in adnexo Indulto Generali exprimendis*, denuo declarantes, per novam hanc Facultatum concessionem nullum praedictum irrogatum iri iuribus in praecedenti Indulto reservatis, si quae sint, quibusque fruuntur Sedes aliquae Episcopales super alias.

Caeteroquin confortamini, Ven. Fratres, in Domino, et in potentia virtutis ejus, atque induti armaturam Dei adversus Mundi Rectores tenebrarum harum, certate, ut coepistis, tamquam strenui Milites Christi. Neque enim alio magis, quam tribulationis tempore, oportet Sacros Antistites solidam illam Christianam virtutem, et Sacerdotalem praeferre constantiam, qua juxta monitum Apostoli instructi esse debent, *ut potentes sint exhortari in doctrina sana, et eos, qui contradicunt, arguere.* A Nobis autem cuncta tum Pontificiae auctoritatis praesidia, tum paternae benevolentiae testimonia semper expectate, quorum interim pignus Vobis, Dilecti Filii Nostri, Ven. Fratres, ac Dilecti Filii, Apostolicam Benedictionem peramanter impertimur, *Datum Romae apud S. Petrum die decimanona Martii MDCCXCII, Pontificatus Nostri Anno Decimo Octavo.*

PIUS QUI SUPRA



(III)

FACULTATES CONCESSAE AB APOSTOLICA SEDE

SINGULIS ARCHIEPISCOPIS ET EPISCOPIS,

ac Dioecesium Administratoribus

R E G N I G A L L I A R U M

Communione, et gratiam SEDIS APOSTOLICAE habentibus.

1. **A**bsolvendi ab omnibus Casibus Sedis Apostolicae quomodolibet reservatis, ac praesertim absolvendi ab omnibus Ecclesiasticis Censuris quoscumque Laicos et Ecclesiasticos, tam Saeculares, quam Regulares utriusque Sexus, atque eos etiam, qui Shisinati adhaeserunt, et iuramentum Civicum emiserunt, in eoque perstiterunt ultra quadraginta dies in Apostolicis Litteris *diei 13. Aprilis* superioris Anni pro-utcurrenda *Suspensione a Divinis* praefinitos, dummodo tamen, seu postquam publicè, et palam idem iuramentum retractaverint, et Fidelium scandalum reparaverint eo meliori modo, quo fieri poterit.

2. Dispensandi Promovendos ad Ordines tam Minores quam Sacros, aut iisdem Ordinibus jam initiatos *super Irregularitatibus* quoquomodo incursis, et etiam ab illa, quam incurrerunt Violatores Suspensionis latae per easdem Apostolicas Litteras *diei 13. Aprilis*, dummodo isti, antequam dispensentur, iuramentum Civicum purè, et simpliciter emisum publicè, et palam retractent: exceptis tamen Irregularitatibus, quae proveniunt ex bigamia vera, vel ex homicidio voluntario; et in his etiam duobus casibus conceditur facultas dispensandi, si praecisa necessitas proborum Operatorum ibi fuerit, dummodo tamen quoad homicidium voluntarium ex huiusmodi dispensatione scandalum non oriatur.

3. Dispensandi, et commutandi *Vota simplicia* etiam castitatis ex rationabili causa in alia pia Opera, idque erga Virorum, ac Mulierum Congregationes, quarum membra his vinculis constringerentur, non tamen Votum Religionis.

4. Dispensandi in Matrimonii contractis, et contrahendis *super impedimento publicae honestatis* justis ex Sponsalibus proveniente.

Dispensandi super impedimento *Criminis*, neutro tamen Coniugum machinante, ac restituendi jus petendi debitum amissum.

Dispensandi in impedimentis *Cognationis Spiritualis*, praeter quam inter levantem, et levatum.

Dis-

Dispensandi in 3. et 4. gradu *Comanguinitatis*, et *Affinitatis* simplicis, et mixto, non solum cum pauperibus, sed etiam cum divitibus in Matrimoniiis tam contractis, quàm contrahendis.

Dispensandi etiam in secundo simplici, et mixto, dummodo nullo modo attingat primum gradum tam in contractis, quàm in contrahendis non solum cum pauperibus, sed etiam cum divitibus.

Omnes verò dispensationes Matrimoniales non concedantur nisi cum clausula = *Dummodo Mulier rapta non fuerit, vel si rapta fuerit, in potestate Raptoris non existat* = Ipsi autem sive Archiepiscopi, sive Episcopi, sive Dioecesium Administratores (gravissimè singulorum conscientia onerata) omnes, et singulas dispensationes Matrimoniales a se concessas, et concedendas referre teneantur in *Registrum* authenticum apud ipsos accuratè, et occultè servandum, et cum inscriptione Nominum Dispensandorum.

5. Dispensandi a defectu ætatis trium Mensium pro Sacris Ordinibus suscipiendis; salvis tamen Indultis dispensandi super defectu ætatis tredecim mensium jam concessis ab Apostolica Sede nonnullis Episcopis, et Dioecesium Administratoribus.

6. Conferendi Ordines *extra tempora* in casu utilitatis, vel necessitatis, si de Episcopis sermo sit: et dispensandi pro recipiendis Ordinibus *extra tempora*, si de Administratoribus Dioecesium, Sede vacante, agatur.

7. Dispensandi in *Beneficiis* Parochialibus, aliisque Titulis Ecclesiasticis, quibus adnexa est Cura Animarum, in gratiam Presbyterorum Saecularium, vel Regularium cujuscumque Instituti non habita ratione Saecularitatis, vel Regularitatis hujusmodi Titulorum, in defectu tamen Presbyterorum Saecularium, quibus præfata Beneficia Saecularia, vel Presbyterorum Regularium, quibus Beneficia Regularia conferantur; item conferendi eadem Beneficia, non obstante *Regula mensium*, et *usu alternandi* pro illis Dioecesium, in quibus prædicta Regula mensium, et præfatus usus alternandi observatur.

8. Concedendi *facultatem* Religiosis cujuscumque Ordinis, aut Congregationis in aliud Institutum transeundi, quamvis Regula in hoc vigens minus foret austera quàm in eo, in quo professionem emiserunt.

9. Concedendi *licentiam* Regularibus exemptis, vel non exemptis cujuscumque Ordinis, et Instituti, qui extra Conventum vivere, et Regularem habitum dimittere cuncti sunt, induendi vestes saeculares, Ecclesiastico tamen Viro convenientes, ac permanendi in eo habitu sub obedientia Ordinarii, quatenus Superiores Regulares non adsint, aut nulla uti possint in suos Subditos jurisdictione, firma tamen remanente solemnium Votorum obligatione.

10. *Præsidendi Electionibus*, easdem confirmandi, dandi obedientias, et generation in domibus Puellarum directioni Regularium subiectarum omnia obeundi munia Superiorum immediatorum, quotiescumque iisdem absentes erunt, aut impediti, vel in providendo negligent officio deerunt, itaut procedant *tamquam Sedis Apostolicæ Delegati*, salvo tamen jure, quod juxta Canonicas Sanctiones in easdem Domos, sive Personas quocumque ex titulo jam habere mereantur: priter iisdem tamquam Sedis Apostolicæ Delegatis datur facultas concedendi immunitatem Religiosis utriusque sexus etiam exemptis, tum omnibus collective, tum speciatim singulis, ab ea Regularum aut Constitutionum parte observanda, quam in præsentis rerum statu absque gravi incommodo observare nequeunt.

11. *In articulo mortis Indulgentiam plenariam impertiendi* juxta formulam a Benedicto XIV. præscriptam in sua Constitutione data die 7. *Menſis Aprilis* 1747.

12. *Renovandi, et prorogandi Indulgentias* a Summis Pontificibus Religiosis domibus, et Congregationibus ad tempus concessas, prout postulabit rerum, vel temporum necessitas; item *transferendi* omnes, et quascumque Indulgentias concessas, et assignatas quovis titulo Ecclesiis Cathedralibus, aut Parochialibus, quas invasere Pseudo-Pastores, ad illas Ecclesias, in quibus Catholici conveniunt Divinum Officium celebraturi.

13. *Communicandi* prædictas facultates, non tamen illas, quæ requirunt Ordinem Episcopalem, in totum, vel in parte, prout secundum eorum conscientiam judicaverint, Sacerdotibus idoneis tam pro omnibus locis, quàm pro aliquibus suarum Dioecesium, et ad tempus ipsis benevisum, prout magis in Domino expedire judicaverint; nec non easdem, quatenus opus fuerit, *revocandi*, sive etiam *moderandi* tam circa illarum usum, quàm circa loca, et tempus easdem exercendi.

14. Potestatem *subdelegandi* simplicibus Presbyteris Facultates non requirentes Ordinem Episcopalem, quæ Galliarum Archiepiscopis, et Episcopis concessæ fuerunt per Indultum Generale diei 10. *menſis Maii* superioris Anni: Archiepiscopis vero Parisiensi, et Lugdunensi, atque antiquioribus Episcopis cujusque Provinciæ Regni Galliarum potestatem subdelegandi etiam Facultates illas, quæ juxta resolutiones diei 18. *menſis Augusti*, speciatim iisdem concessæ fuerunt die 26. *Septembris* proxime præteriti, Hæ autem Facultates prorogantur ad tempus hujus Indulti.

Omnes verò prædictæ Facultates conceduntur *ad Annum* ab hac die incipientem, si tamdiu horum temporum calamitas perduraverit.

Con-

(VI)

Conceduntur praeterea *ea lege*, ut nullo pacto eis liceat iisdem uti extra fines suae Dioecesis, neque in Locis Dominio Regis Christianissimi non subjectis.

Demum conceduntur *sub ea conditione*, ut Archiepiscopi, Episcopi, ac Dioecesium Administratores in exercitio cujuscunque ex commemoratis Facultatibus expresse declarent, illas ab ipsis concedi *tamquam a Sedis Apostolicae Delegatis*: quae declaratio in ipso actus tenore inserenda erit.

